

Иймоннинг зиёда ёки ноқис бўлиши | Ақийда дарслари (253-дарс)



19:00 / 13.11.2023 4440

Иймоннинг зиёда ва кам бўлиши кўпгина тортишувларга сабаб бўлган масаладир. Лекин Аҳли сунна ва жамоа уламоларининг тортишувлари моҳиятда эмас, суратдадир. Баъзилари тўғридан-тўғри: «Иймон зиёда ва кам бўлади», десалар, бошқалари: «Иймоннинг асли бир, аммо унга тааллуқли ишлар, амаллар зиёда ёки кам бўлади», дейдилар.

Бу тортишувларга уларнинг иймонни турлича таъриф қилганлари сабаб бўлган. «Иймон тасдиқ, иқрор ва амалдан иборат», деганлар «Иймон зиёда ва ноқис бўлади», дейишган.

«Иймон тасдиқ ва иқрордир» деганлар, иймон зиёда ёки ноқис бўлмайди, лекин амал зиёда ва ноқис бўлади, деган.

Умар Насафий раҳматуллоҳи алайҳи бу маънони қуйидагича ифода этган: «Иймон Аллоҳ таолодан келган нарсани тасдиқлаб, унга иқрор бўлишдир. Аммо амаллар ўзлари зиёда бўлади. Иймон зиёда ҳам, ноқис ҳам бўлмайди».

Икки тараф қуйидаги оятларни ўз таърифларига биноан тафсир қилиб, бирлари зоҳирий маънони олса, иккинчилари амалга таъвил қиласди.

إِيمَنًا زَادَتْهُمْ إِيمَانَهُ، عَلَيْهِمْ تُلَيْتُ وَإِذَا

1. «Уларга оятлари тиловат этилса, иймонларини зиёда қиладиган...» (Анфол сураси, 2-оят).

فَهُدَىٰ أَهْتَدَوْا الَّذِينَ كَالَّهُ وَيَزِيدُ

2. «Ва Аллоҳ ҳидоятга юрганларнинг ҳидоятини зиёда қилади» (Марям сураси, 76-оят).

لَا يَعْلَمُنَا إِيمَانًا مَوْهُوا الَّذِينَ وَيَرْزَقُونَا

3. «Ва иймонлиларнинг иймони зиёда бўлиши (учун)» (Муддассир сураси, 31-оят).

فَإِيمَنِهِمْ مَعَ إِيمَنًا لِيَزَدَادُوا

4. «Иймонларига иймон зиёда бўлиши учун...» (Фатҳ сураси, 4-оят).

الْوَكِيلُ وَنِعْمَ اللَّهُ حَسْبُنَا وَقَالُوا إِيمَنَا فَرَادَهُمْ

5. «Уларнинг иймонларини зиёда қилди ва «Бизга Аллоҳнинг Ўзи етарли ва У қандай яхши вакил!» дедилар» (Оли Имрон сураси, 173-оят).

هَذِهِ زَادَهُ أَيُّكُمْ يَقُولُ مَنْ فِيهِمْ سُورَةٌ أُنْزِلَتْ مَا وَإِذَا

يَسْتَبِشِرُونَ وَهُمْ إِيمَنَا فَرَادَهُمْ إِمَانًا أَمْنُوا الَّذِينَ فَأَمَّا إِيمَنَا

6. «Қачон бирон сура нозил қилинса, улардан «Бу сиздан кимнинг иймонини зиёда қилди?» дейдиган кимсалар бор. Бас, иймон келтирганларнинг иймонини зиёда қилди ва улар шодландилар» (Тавба сураси, 124-оят).

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 22 июлдаги 03-07/5979-рақамли хуносаси асосида чоп этилган.